

La Quotidiana 6-11-2015, p. 21

## 17.25 CUNTRASTS SIN SRF 1

### Dis da litteratura 2015



Per la 25avla giada han lieu ils Dis da litteratura – ed era ils Cuntrasts da la Televisiun Rumantscha èn puspè da la partida. L'emissiun da quest onn sa fatschenta cun la dumonda da passagis e barrieras tranter ina lingua e l'otra. Il moderatur da l'emissiun, Otmar Seiler, sa scuntra a Domat cun il translatur tessinais dad ovras rumantschas Walter Rosselli e la linguista tar la Biblioteca naziunala Annetta Ganzoni Pitsch. L'emissiun s'occupa plinavant cun auturs ed auturas che lavuran en plirs linguatgs u dals quals las ovras vegnan translataadas en autras linguas ed ella dat natiralmain era in sguard enavos sin quest emprim quartschientaner Dis da litteratura a Domat.